

ЖАМИЯТ ВИЖДОНИ

Энг ҳалол кишилар ҳам адашиши мумкин, бироқ қонун ҳамиша собит ва ўзгармасдир. Инсон фақат қонунга тўлиғича ишонади.

2 - БЕТ

МАШИНА ҲАМ ЙЎҚ, ПУЛ ҲАМ...

«Сурхон-Лада» акционерлик жамиятининг галати ишлари туфайли машина ҳам, берган пулимизни ҳам ололмасдан, қийин иқтисодий аҳволга тушиб қолдик.

3 - БЕТ



Мана, кассета,
мана ариза.
Агарда 3500
АҚШ доллари
топиб берма-
сангиз...

АЁЛ МАКРИ

6 - БЕТ

ХУФЁНА УЮШМА

У беш дақиқада қайтиб келди. Қўлида битта колбаса, иккита оппоқ юмшоқ нон. Хайратдан ёқамни ушладим. Қамоқхонада колбаса нима қилади?

4-7 БЕТЛАР

Газета 1997 йил
27 августдан чиқа
бошлаган

2000 йил,
5-11 июль, № 26 (142)



Чоршанбадан ХАБАРЛАР ВОКЕАЛАР Чоршанбагача

Ўзбекистон Республикаси Президентининг «Телекоммуникациялар соҳасида бошқаруви такомиллаштиришга доир чора-тадбирлар тўғрисида»ги фармони матбуотда эълон қилинди.

Ушбу Фармон Ўзбекистон Республикасининг «Телекоммуникациялар тўғрисида»ги Қонунига мувофиқ ва телекоммуникациялар тизими фаолияти ҳамда уни бошқариш самарадорлигини ошириш, соҳани замонавийлаштириш ва ривожлантириш учун хорижий сармояларни кенг жалб этиш мақсадини кўзлайди.

Ўзбекистон Республикаси Вазирлар Маҳкамаси «Биржадан ташқари валюта бозорини янада ривожлантириш ва мустаҳкамлаш чора-тадбирлари тўғрисида» қарор қабул қилди.

Ушбу қарорга мувофиқ 2000 йил 1 июлдан бошлаб биржадан ташқари валюта бозорида хорижий валютани сотиш механизми жорий этилди.

Ушбу механизм: ваколатли банкларнинг ўз миқозларидан бўш валюта маблағларини шартнома асосида хорижий валютага бўлган талаб ва тақлифлардан келиб чиққан ҳолда эркин курс бўйича харид қилишини;

Ўзбекистон Республикаси Марказий банкнинг лицензияларига эга бўлган корхоналарга импорт истъёмол товарларини сотишдан олинган сўмдаги тушумни хорижий валютага бўлган талаб ва тақлиф асосида шаклландиран эркин курс бўйича конвертация қилишни назарда тутди.

АНЖУМАН ФАОЛИЯТНИ МУВОФИҚЛАШТИРИШ ЗАРУР

Тошкент шаҳар прокуратурасида бўлиб ўтган навбатдаги идоралараро мувофиқлаштирувчи кенгашда пойтахт ички ишлар идоралари участка нозирларининг, маҳаллий ҳокимият ва ўзини-ўзи бошқариш идораларининг диний экстремизмга қарши курашишга қаратилган қонунларни ижро этишдаги жиддий камчиликлари ҳамда уларнинг бу борадаги фаолиятларини мувофиқлаштириш ва такомиллаштириш масалалари муҳокама этилди. Бу ҳақда ахборот берган шаҳар прокурори катта ёрдамчиси Э.Абзалов йиғилганлар эътиборини айрим маҳалла оқсоқолларининг диний экстремизм вакилларига нисбатан мурасасозлик қилаётгани, ҳокимият ва ҳуқуқ-тартибот органлари масъул раҳбарларининг кузатувчилик кайфиятини ҳеч нарса билан оқлаб бўлмаслиги каби муаммоларга қаратди. Тегишли туман ИИБлари бошлиқлари ва туман ҳокимларининг ўринбосарлари бу ҳақда тушунтириш бердилар. Кенгашда қўрилган масала юзасидан тегишли қарор қабул қилинди.

(Ўз мухбиримиз)



■ **Дунёда 8 млн. киши героин, 13,3 млн. киши кокаин ва 141,2 млн. киши марихуана ҳамда 280 млн. киши сунъий наркотик модда истеъмол қилади.**

■ **МДХ давлатларининг айримлари, жумладан, Марказий Осиё республикалари «Олтин яримой» (Афғонистон, Покистон) давлатларида етиштирилган гиёванд моддаларни Европага ўтказишда транзит воситасини ўтамоқда. (БМТ маълумотномасидан).**

ҲАМКОРЛИК

БМТ ВАКОЛАТХОНАСИДА АНЖУМАН

Ғалати ўхшашликни қаранг. Цивилизация тараққий этгани сайин инсониятнинг муаммолари ҳам улканлашиб бормоқда. Инсоннинг бевосита фаолияти махсули бўлган озсонсиз туйнуқлар муаммоси, ер юзасидаги ҳаётни бир неча марта қўнпақун қилишга ҳодир ядровий қуроллар муаммоси шулар жумласидандир. Булар нисбатан яқинда пайдо бўлган. Аммо яна бир чигал масала борки, у юз, балки минг йиллардан буён инсониятни, унинг соғлом турмуш тарзини таъкиб этиб келади. Бу — гиёвандлик муаммоси.

Бундан ўн йил олдин БМТ 26 июнни Халқаро гиёвандлик ва нарқобизнесга қарши кураш куни деб эълон қилган эди. Шу муносабат билан 26 июнь куни БМТнинг Тошкентдаги ваколатхонасида матбуот анжумани бўлиб ўтди. Унда БМТ Жиноятчиликнинг олдини олиш ва наркотик моддалар устидан назорат бошқармасининг Марказий Осиёдаги вакили вази фасини бажарувчи Антонелла Деледда хоним, БМТнинг Жиноятчи-

ликнинг олдини олиш ва жиноий судлов бўйича бош маслаҳатчиси жаноб Славомир Редо, шунингдек, мамлакатимиз ва хорижий ОАВ ходимлари иштирок этди. Юқори мартабали меҳмонлар наркотик моддалар етиштириш, нарқобизнес ва уюшган жиноятчиликнинг давлатлар иқтисодийётига таъсири ҳамда дунё миқёсида бунга қарши олиб борилаётган кураш тўғрисида сўзлаб бердилар.

Анжуманда БМТ бош хотиби жаноб Кофи Аннан ва БМТ Жиноятчиликнинг олдини олиш ва наркотик моддалар устидан назорат бошқармаси ижрочи директори жаноб Пино Арлаккиннинг мазкур санага бағишланган нутқлари ўқиб эшиттирилди. Мавзу юзасидан савол-жавоблар бўлиб ўтди.

Анжумани БМТнинг Ўзбекистондаги доимий вакили жаноб П.Крал бошқариб борди.

(Ўз мухбиримиз)

Халқаро
гиёвандлик ва
нарқобизнесга
қарши
кураш кунига
бағишланган
махсус саҳифа
билан
газетанинг
5-бетида
танишасиз

